



韋蘇州集卷第五

蘇州刺史韋

應物

浙江叅議何湛之校刊

訓答

期盧嵩枉書稱日暮無馬不赴以詩答
佳期不可失終願枉衡門南陌人猶度西林日
未昏庭前空倚杖花裡獨留樽樽莫道無來駕知
君有短轅

任洛陽丞答前長安田少府問

相逢且對酒相問欲何如數歲猶卑卑吏家人笑

著書告歸應一作全未得榮宦又知踈日日生春

草空令憶舊居

假中枉盧二十二書亦稱臥疾兼訝李

二久不訪問以詩答書以戲李二

微官何事勞趨走服藥閑眠養不才花裡碁盤

憎鳥污枕邊書卷訝風開故人問訊緣同病芳

月相思阻一杯應笑工戎成俗物遙持麈尾獨

徘徊

訓盧嵩秋夜見寄五韻

喬木生夜涼月華滿前墀去君咫尺地勞君千

里一作萬里思素秉棲遁志况貽招隱詩坐見林木

榮一云坐損願赴滄洲期何能待歲晏攜手當

此時盧詩云歲晏以為期

訓鄭戶曹驪山感懷

蒼山何鬱盤飛閣凌上清先帝昔行道下元朝

百靈白雲已蕭條麋鹿但縱橫泉水今尚暖舊

林亦青青我念綺襦歲扈從當太平小臣職前

驅馳道出灞亭翻翻日月旗殷殷鞞鼓聲萬馬

自騰驤八駿按轡行日出煙嶠綠氛氲麗層甍
登臨起遐想沐浴懽聖情朝燕詠無事時豐賀
國禎補日和絃管音下使萬室聽海內湊朝貢賢
愚共歡榮合沓車馬喧西聞長安城事往世如
寄感深迹所經申章報蘭藻一望雙涕零

答李泚三首

孤客逢春暮緘情寄舊遊海隅人使遠書到洛
陽秋

馬卿猶有壁漁父自無家想子今何處扁舟隱

荻花

林中觀易罷溪上對鷗閑楚俗饒辭客何人最
往還

訓酬柳郎中春日歸揚州南郭見別之作

廣陵三月花正開花裡逢君醉一廻南北相過
殊不遠暮潮從去早潮來

訓酬豆盧倉曹題庫壁見示

掾局勞才子新詩動洛川運籌知決勝聚米似
論邊宴罷常分騎晨趨晨趨又比肩莫嗟年髮改郎

署定推先

訓李儋

開門臨廣陌旭日車駕喧不見同心友徘徊憂
且煩都城二十里居在良與坤人空所各務垂
濶累朝昏昏湛湛樽中酒青青芳樹園緘情未及
發先此在璵璠邁世超一作躡高躡尋流得真源
明當策疲馬與子同笑言

訓元偉過洛陽夜讌

三載寄關東所懼皆遠違思懷方耿耿忽得觀

容輝親燕在良夜歡攜關中闈問我猶杜門不
能奮高飛明燈照四隅炎炭正可依清觴雖云
酌所媿之珍肥晨裝裝復當行寥落星已稀何以
慰心曲佇子西還歸

訓韓質舟行阻凍

晨坐在嘉藻持此慰寢興中獲辛苦奏長河結
陰冰水皓曜群玉發淒清孤景凝一作澄至柔反成
堅造化安可恒方舟未得行鑿飲空兢兢苦寒
彌時節待泮豈所能何必涉廣川荒衢且升騰

殷勤宣中意庶用達吾朋

李博士弟以余罷官居同德精舍共有
伊陸名山之期久而未去在詩見問
中云宋生昔登覽末云那能顧蓬華
直寄鄙懷聊以爲答

初夏息衆綠雙林對禪客在茲芳蘭藻促我幽
人策冥搜企前哲逸句陳往迹髣髴陸渾南迢
遞千峰碧從來遲高駕自顧無物役山水心所
娛如何更朝夕晨興涉清洛訪子高陽宅莫言

往來踈駑馬知阡陌

寄訓李博士永寧主簿叔廳見待

解鞅先幾日欵曲見新詩定向公堂醉遙憐獨
去時葉霑寒雨落鍾度遠山遲晨策已云整當
同林下期

答令狐士曹獨孤兵曹聯騎暮歸望山
見寄

共愛青山住近南行牽吏役背雙驂在書獨宿
對流水遙羨歸時滿夕嵐

答李博士

休沐去人遠高齋出林杪晴山多碧峰顛氣疑
秋曉端居喜良友枉使千里路緘書當夏時開
緘時已度簷鷓已颯颯荷露方蕭颯夢遠竹窻
幽行稀蘭徑合舊居共南北往來只如昨問君
今為誰日夕度清洛

答劉西曹

時為京兆功曹

公館夜云寂微涼群樹秋西曹得時彥華月共
淹留長嘯舉清觴志氣誰與儔千齡事雖邈俯

念忽已周篇翰如雲興京洛頗優游詮文不獨
占理妙即同流淺劣見推許恐為識者尤空慙
文璧贈日夕不能酬夕一作仄

答貢士黎逢

時任京兆功曹

茂等一作才方上達諸生安可希栖神澹物表渙

汗布令詞如彼崑山玉本自有光輝鄙人徒區
區稱嘆亦何為彌月曠不接公門但一作役驅馳

蘭章忽有贈持用慰所思不見心尚密一作微密况

當相見時

答韓庫部協

良玉表貞貞度麗藻頗為工名列金閨籍心與素
士同日晏下朝來車馬自生風清宵有佳興皓
月直南宮矯翮方上征顧我邈忡忡豈不願攀
舉執事府庭中智乖時亦蹇才大命有一作通
還當以道推解組守蒿蓬

答崔主簿倬

朗月分林靄遙管動離聲故懽懽良已阻空宇澹
無情窈窕雲鴈沒蒼茫河漢橫蘭章不可答冲

襟徒自盈

答徐秀才

鈇鈍謝貞貞器時秀猥見稱豈如白玉仙一作仙
方與紫霞升清詩舞艷雪孤抱瑩玄冰玄一枝非
所貴懷書思一作武陵且一云懷書茂陵

答東林道士

紫閣西邊第幾峰茅齋夜雪虎行蹤遙看黛色
知何處欲出山門尋暮鐘一作欲向西

答長寧令楊轍

皓月升林表公堂滿清輝嘉賓自遠至觴飲夜
何其宰邑視京縣歸來無寸資瓌文溢衆寶雅
正得吾師廣川含澄澗茂一作芳樹擢華滋短才
何足數枉贈媿妍詞歡晤良見屬素懷亦已披
何意雲栖翰不嫌蓬艾卑但恐河漢沒回車首
路岐

答馮魯秀才

晨坐在瓊藻知子返中林澹然山景晏泉谷響
幽禽髣髴謝塵跡逍遙舒道心顧我腰間綬端
爲華髮侵簿書勞應對篇翰曠不尋薄田失鋤
耨生苗安可任徒令慙所問想望東山岑

答崔主簿問兼簡溫上人

緣情生衆累晚悟依道流諸境一已寂了將身
世浮閑居澹無味忽復四時周靡靡芳草積稍
稍新篁抽卽此抱餘素塊然誠寡儔自適一忻
意愧蒙君子憂

清都觀答幼遐

逍遙仙家子日夕朝玉皇興高淸露沒渴飲瓊

華漿解組一來欵披衣拂天香粲然顧我笑綠
 簡發新章泠泠如玉音一作響馥馥若蘭芳浩意
 坐盈此月華殊未央却念誼譁日何由得清涼
 踈松抗一作枕高殿密竹陰長廊榮名等糞土攜
 手隨風翔

善福精舍答韓司錄清都觀會宴見憶
 弱志厭眾紛抱素寄精廬皦皦仰時彥悶悶平聲
 獨為愚之子亦辭秩高蹤罷馳驅忽因西飛禽
 贈我以瓊琚始表仙都集復言歡樂殊人生各

有因契濶不獲俱一來田野中日與人事踈水
 木澄秋景逍遙清賞餘枉駕懷前諾引領豈斯
 須一作須臾無為便高翔邈矣不可迂

答長安丞裴稅

出身忝時士於世本無機爰以林壑趣遂成頑
 鈍姿臨流意已凄采菊露未稀舉頃見秋山萬
 事都若遺獨踐幽人蹤邈將親友違髦士佐京
 邑懷念枉貞詞久雨積幽抱清罇宴良知從容
 操劇務文翰方見推安能戢羽翼顧此林棲時

奉詔處士叔見示

挂纓守貧賤積雪卧郊園叔父親降趾壺觴携
到門高齋樂燕罷清夜道心存卽此同疎氏可
以一忘言

答庫部韓郎中

高士不羈世頗將榮辱齊適委華冕去欲還幽
林栖雖懷承明戀忻與物累睽逍遙觀運流誰
復識端倪而我豈高能一作致偃息平門西愚者
世所遺沮溺共耕犁風雪積深夜園田掩荒蹊

幸蒙相思札欵曲期見携

答暢校書當

偶然棄官去投跡在田中日出照茅屋園林一作

種養愚蒙雖云無一資罇酌會不空且忻百穀

成仰嘆造化功出入與民伍作事靡不同時伐

南澗竹夜還澧水東貧寒自成退豈爲高人蹤

覽君金玉篇彩色發我容一作日日欲爲報方

歷一作春已徂冬

答崔都水

澧嘉靖本改澧 江州集同

深夜竹庭雪孤燈案上書不遇無爲化一作誰
復得閑居

訓 訓令狐司錄善福精舍見贈

野寺望山雪空齋對竹林我以養愚地生君道
者心

禮 禮上精舍答趙氏外生伉

遠跡出塵表寓身雙樹林如何小子伉一作弟亦
有超世心擔書從我遊攜手廣川陰雲開夏郊
綠景晏青山沈對榻遇清夜獻詩合一作全雅音

所推苟禮數於性道豈深隱拙在冲默經世昧
古今無爲率爾言可以致華簪

答趙氏生伉

暫與雲林別忽陪鴛鷺翔看山不得去知爾獨
相望

答端

郊園夏雨歇閑院綠陰生職事方無效幽賞獨
違情物色坐如見離抱悵多盈况感夕涼氣聞
此亂蟬鳴

答史館張學士段柳庶子學士集賢院
看花見寄兼呈柳學士

班揚秉文史對院自爲隣餘香掩閣去遲日看
花頻似雪飄聞闔從風點近臣南宮有芳樹不
竝禁垣春

答王郎中

卧閣^閣在芳藻覽肯悵秋晨守郡猶羈寓無以慰
嘉賓野曠歸雲盡天清曉露新池荷涼已至窻
梧落漸頻風物殊京國邑里但荒榛賦繁屬軍

興政拙愧斯人髦士久臺閣中路一漂淪歸當
列盛朝^{一作明}豈念卧淮濱

答崔都水

亭亭心中人迢迢居秦關常緘素札去^{一作問}適

枉華章^章還憶在澧郊時携手望秋山久嫌官府
勞初喜罷秩閑終年不事業寢食長慵頌不知

爲時來^{一作何}名籍挂郎間攝衣辭田里華簪

耀頹顏卜居又依仁日夕正追攀牧人本無術
命至苟復遷離念積歲序歸途眇山川郡齋有

佳月園林含清泉同心不在宴樽酒徒盈前覽
君陳迹遊詞意俱悽妍忽忽已終日將訓不能
宣昨稅况重疊公門極熬煎責逋甘首免一作退
歲晏當歸田勿厭守窮轍一作賤慎為名所牽

答王卿送別

去馬嘶春草歸人立夕陽元知數日別要使兩
情傷

答裴丞說歸京所獻

執事頗勤久行去亦傷華家貧無僮僕吏卒升

寢齋衣服藏內篋藥草曝前階誰復知次第渡
落且安排還期在歲晏何以慰吾懷

答裴處士

遺民愛精舍乘犢入青山來署高陽里不遇白
衣還禮賢方化俗聞風自歎關况况子逸群士栖
息蓬蒿間

答楊奉禮

多病守山郡自得接佳賓嘉不見三四日曠若十
餘旬臨觴獨無味對榻已生塵一咏舟中作灑

雪忽驚新煙波見棲旅景物具昭陳秋塘唯落
葉野寺不逢人白事廷吏簡閑居文墨親高天
池閣靜寒菊霜露頻應當整孤棹歸來展殷勤

答端

坐憶故園人已老寧知遠郡鴈還來長瞻西北
是歸路獨上城樓日幾迴

答僦奴重陽二甥

僦奴趙氏甥伉
重陽崔氏甥播

棄職曾守拙翫幽遂忘喧山澗依磽壻竹樹陰

清源貧居煙火濕

絕一作

歲熟梨棗繁風雨飄茅

屋蒿草沒瓜園群屬相歡悅不覺過朝昏有時
看禾黍落日上秋原飲酒任真性揮筆肆狂言
一朝忝蘭省三載居遠藩復與諸弟子篇翰每
相敦西園休習射南池對芳罇山藥一作茵經雨
碧海榴凌霜翻念爾不同此悵然復一論重陽
守故家僦子旅湘沅俱有緘中藻惻惻動離魂
不知何日見衣上淚空存

答重陽

省札陳往事愴憶數年中一身朝北闕家累守

田農望山亦臨水暇日每來同性情一踈散園
林多清風忽復隔淮海夢想在澧東病來經時
節起見秋塘空城郭連榛嶺鳥雀噪溝叢坐使
驚霜髮撩亂已如蓬

顧十二左遷過韋蘇州房杭州韋睦州
三使君皆有郡中燕集詩辭章高麗
鄙夫之所仰慕顧生既至留連笑語
因亦成篇以繼三君子之風焉

信州刺史劉太真上

寵至乃不驚罪及非無由奔迸歷畏途緬邈赴
偏一作荒取牧此彫弊昨屬當賦歛秋夙興諒無
補旬暇焉敢休前日懷友生獨登城上樓迢迢
西北望遠思不可收今日車騎來曠然銷人憂
晨迎東齋飯晚度南溪遊以我碧流水泊君清
翰舟莫將遷客程不為勝境留飛札謝三守斯
篇希見訓

訓劉侍郎使君

瓊樹凌霜雪蔥蒨如芳春英賢雖出守本自玉

階人宿昔陪郎署出入仰清塵孰云俱列郡比
德豈爲鄰風雨飄海氣清凉悅心神重門深夏
晝賦詩延衆賓方以歲月舊每蒙君子親繼作
郡齋什遠贈荆山珍一作山城庶務理遊眺景
物新朋友亦遠集燕酌在佳辰始唱已慙拙將
酬益難伸濡毫意僂俛一用寫惰勤

硤州旅舍奉懷蘇州韋郎中

公頻有尺書頗積離

鄉之思

令狐峴上

儒服學從政遂爲塵事嬰銜命東復西孰堪異
鄉情懷祿且懷恩策名敢逃名羨彼農故人白
首親友并江山入秋氣草木彫晚榮方塘寒露
凝旅館涼飈生懿交守東吳夢想聞頌聲雲水
方浩浩離憂何時平

答令狐侍郎

一凶迺一吉一是復一非孰能逃斯理亮在識
其微三黜故無愠高賢當庶幾但以親交戀音
容邈難希况惜別離久俱忻藩守歸朝晏方陪

廁山川又乖違吳門冒海霧硤路凌連磯同會
在京國相望涕沾衣明時重英才當復列彤闈
白玉雖塵垢拂拭還光輝

訓張協律

昔人鬻春地今人復一賢屬余藩守日方今卧
病年麗思阻文一作宴芳蹤闕賓筵經時豈不
懷欲往事屢牽公府適煩倦開緘瑩新篇非將
握中寶何以比其妍感茲棲寓詞想復痾瘵纏
空宇風霜交幽居情思綿當以貧非病孰云白

當自痊

未玄邑中有其人憔悴卽我愆由來牧守重英
俊得薦延匪人等鴻毛斯道何由宣遭時無早
晚蘊噐俟良緣觀文心未衰勿藥疾當一作痊當自
晨期簡牘罷馳慰子冲然

卽事奉呈郎中使君

東海釣客試秘書省校書郎秦系

久卧雲間已息機青袍忽著狎鷗飛詩興到來
無一事郡中今有謝玄暉

答秦十四校書

知掩山扉三十秋魚鬚翠碧弃牀頭莫道謝公
方在郡五言今日爲君休

答賓

斜月纔鑒帷凝霜偏冷枕持情須耿耿故作單
牀寢

答鄭騎曹青橘絕句

一作故人重九日
求橘書中戲贈

憐君卧病思新橘試摘猶酸亦未黃書後欲題
三百顆洞庭須待滿林霜

奉賀聖製重陽日賜宴

聖心憂萬國端居在穆清玄功致海晏錫讌表
文明恩屬重陽節雨應此時晴寒菊生池苑高
樹出宮城捧藻千官處垂戒百王程復覩開元
日臣愚獻頌聲

和吳舍人早春歸沐西亭言志

曉漏戒中禁清香肅朝衣一門雙掌誥伯侍仲

一作伯仲待言歸言歸亭高性情曠職密交遊稀賦詩樂

無事解帶偃南扉陽春美時澤旭霽望山暉幽

禽響一作好朱轉東原綠猶微名雖列仙爵心

已遣

遺一作

塵機卽事同巖隱聖渥良難違

奉和張大夫戲示青山郎

天生逸世姿竹馬不曾騎覽卷冰將釋援毫露
欲垂金貂傳幾葉玉樹長新枝榮祿何妨早甘
羅亦小兒

答河南李士巽題香山寺

洛都游宦日少年携手行投杯起芳席總總轡振振
華纓關塞有佳氣巖開伊水清攀林憇佛寺登
高望都城蹉跎二十載世務各所營茲賞長在

夢故人安得并前歲守九江恩召赴咸京因塗
再登歷山河屬晴明寂寞僧侶少蒼茫林木成
墻宇或崩剝不見舊題名舊遊况存歿獨此淚
交橫交橫誰與同書壁貽友生今茲守吳郡綿
思方未平子復經陳迹一感我深情遠蒙惻愴
篇中有金玉聲反覆終難答金玉尚爲輕

答故人見諭

素寡名利心自非周圓器徒以歲月資屢蒙藩
非寄時風重書札物情敦貨遺機杼十縑單慵

踈百函愧常負交親責且爲一官累况本濩落
人歸無置錐地省已已知非枉書見深致雖欲
効區區何由枉其志

訓閩員外陟

寒夜阻良覲叢竹想幽居虎符予已誤金丹子
何如醺集觀農暇笙歌聽訟餘雖蒙一言教自
愧道情踈

逢遇

長安遇馮著

客從東方來衣上灞陵雨問客何爲來一作來何爲

采山因買斧冥冥花正開一作滿颺颺鷺新乳昨

別今已春髮絲生幾縷

將發楚州經寶應縣訪李二忽於州館

相遇月夜書事因簡李寶應

孤舟欲夜發祗爲訪情人此地忽相遇留連意
更新停杯嗟別久對月言家貧一問臨邛令如
何待上賓

廣陵遇孟九雲卿

雄藩本帝都游士多俊賢夾河樹鬱鬱華館千
里連新知雖滿堂中意頗未宣忽逢翰林友歡
樂斗酒前高文激頽波四海靡不傳西施且一
笑衆女安得妍明月滿淮海哀鴻逝長天所念
京國遠我來君欲獨一作還又一作旋

淮上遇洛陽李主簿

結茅臨古渡卧見長淮流窗裏人將老門前樹
已秋寒山獨過鴈暮雨遠來舟日夕逢歸客那
能忘舊遊

韋蘇州集卷第六

蘇州刺史韋應物浙江叅議何湛之校刊

懷思

有所思

借問堤上柳青青爲誰春空遊昨日地不見昨
日人繚繞萬家井往來車馬塵莫道無相識要
非心所親

暮相思

朝出自不還暮歸花盡發豈無終日會惜此花

間月空館忽相思微鐘坐來歇來或作求

夏夜憶盧嵩

靄靄高館暮開軒滌煩襟不知湘雨來瀟灑灑在
幽林一作不知微蕭炎月得涼夜芳罇誰與斟
故人南北居累月閒徽音人生無間日歡會當
在今及側候天且層城苦沉沉

春思

野花如雪繞江城坐見年芳憶帝京閭闔曉開
凝碧樹曾陪鴛鴦聽流鶯

路逢崔元二侍御避馬見招以詩戲贈
一臺稱二妙歸路望行塵俱是攀龍客空為避
馬人見招翻踟躕相問良殷勤日日吟趨府彈
冠豈有因

逢楊開府

少事武皇帝無賴恃恩私身作里中橫家藏亡
命兒朝持一作提樗蒲局暮竊東隣姬鄰司隸不
敢捕立在一作拆白玉墀驪山風雪夜長楊羽獵
時一字都不識飲酒肆頑癡武皇升仙去憔悴

被人欺讀書事已晚把筆學題詩兩府始收跡
南宮謬見推非才果不容出守撫婢嫠忽逢楊
開府論舊涕俱垂坐客何由識唯有故人知
休假日訪王侍御不遇

九日驅馳一日閑尋君不遇又空還
惟來詩思清人骨門對寒流雪滿山

因省風俗訪道士侄不見題壁

去年澗水今亦流去年杏花今又拆
山人歸來問是誰還是去年行春客

韋蘇州集卷第五

五卷終

春中憶元二

雨歇萬井春柔條已含綠徘徊洛陽陌
惆悵杜陵曲游絲正高下啼鳥還斷續
有酒今不同思君瑩如玉

懷素友子西

廣陌並遊騎公堂接華襟方歡遽見別
永日獨沈吟階暝流暗駛氣踈露已侵
層城湛深夜片月生幽林往欵良未遂
來覲曠無音恒當清觴宴思子玉山岑
耿耿何以寫密言空委心

對韓少尹所贈硯有懷

故人謫遐遠，留硯寵斯文。
白水浮香墨，清池滿夏雲。
念離心已永，感物思徒紛。
未有桂陽使，裁書一報君。

月晦憶去年與親友曲水遊讌

晦賞念前歲，京國結良儔。
騎出宣平里，飲對曲池流。
今朝隔天末，空園傷獨遊。
雨歇林光變，塘綠鳥聲幽。
凋_叶積逋稅，華髮集新秋。
誰言戀虎符，終當還舊丘。

清明日憶諸弟

冷食方多病，開襟一忻然。
終令思故郡，煙火滿晴川。
杏粥猶堪食，榆莢已稍煎。
唯恨乖親燕，坐度此芳年。

池上懷王卿

山居捐世事，佳雨散園芳。
入門靄已綠，水禽鳴春塘。
重雲始成夕，忽霽尚殘陽。
輕舟因風汎，郡閣望蒼蒼。
私燕阻外好，臨權一停觴。
茲遊無時盡，旭日願相將。

立夏日憶京師諸弟

改序念芳辰，煩襟倦日永。夏木已成陰，公門晝
恒靜。長風始飄閣，疊雲纔吐嶺。坐想離居人，還
當惜徂景。一作光景

曉至園中憶諸弟崔都水

山郭恒悄悄，林月亦娟娟。景清神已澄，一作謚事
簡慮絕牽。秋塘徧衰草，曉露洗紅蓮。不見心所
愛，茲賞豈為妍。

懷琅琊深標二釋子

白雲埋大壑，陰崖滴夜泉。應居西石室，月照山
蒼然。

雨夜感懷

微雨灑高林，塵埃自蕭散。耿耿心未平，沈沈夜
方半。獨驚長簟冷，遽覺愁髮換。誰能當此夕，不
有盈襟歎。

雲陽館懷谷口

清泚階下流，云自谷口源。念昔白衣士，結廬在
石門。道高杳無累，景靜得忘言。山夕綠陰滿，世

移清賞存吏役豈遑暇幽懷復朝昏雲泉非所
濯蘿月不可援長往遂真性暫遊恨卑卑誼出身
既事世高躅難等論

憶澧上幽居

一來當復去猶此厭樊籠况我林栖子朝服坐
南宮唯獨問啼鳥還如澧水東

重九登滁城樓憶前歲九日歸澧上赴
崔都水及諸弟讌集悽然懷舊

今日重九讌去歲在京師聊迴出省步一赴郊

園期佳節始云邁周辰已及茲秋山滿清景當
賞屬乖離凋散民里濶摧翳衆木衰樓中一長
嘯惻愴起涼颼

始夏南園思舊里

夏首雲物變雨餘草木繁池荷初帖水林花已
掃園縈叢蝶尚亂依閣鳥猶喧對此殘芳月憶
在漢陵原

登蒲塘驛沿路見泉谷村墅忽想京師
舊居追懷昔年

青山導騎遶春風行旆舒均徭視屬城問疾躬
里閭煙水依泉谷川陸散樵魚海忽念故園日復
憶驪山居荏苒斑髮及夢寢婚宦宦初不覺平生
事咄嗟二紀餘存歿濶已永悲多歡自踈高秩
非爲美闌干淚盈裾

行旅

經由谷關

洪河絕山根單軌出其側萬古爲要樞往來何
時息秦皇旣恃險海內被吞食及嗣同覆顛咽

嗾莫能塞炎靈距西駕婁子非經國徒欲扼諸
侯不知恢至德聖朝及天寶豺虎起東北下沈
戰死魂上結窮冤色古今雖共守成敗良可識
藩屏無俊賢金湯獨何力馳車一登眺感慨中
自惻

經武功舊宅

茲邑昔所遊嘉會常在目歷載俄二九始往今
來復感感居人少茫茫野田綠風雨經舊墟毀
垣迷往躅門臨川流駛樹有羈雌宿多累恒悲

往長年覺時遠欲去中復留徘徊一作徘徊結心曲

往雲門郊居塗經洄流作

茲晨廼休暇適往田家盧原谷經塗澀春陽草木敷纔遵板橋曲復此清澗紆崩壑方見射廻流忽已舒明滅汎孤景杳靄含夕虛無將爲邑志一酌澄波餘

乘月過西郊渡

遠山含紫氛春野靄云暮值此歸時月留連西澗渡謬當文墨會得與群英遇賞逐亂流翻心

將清景悟行車儼未轉芳草空盈步已舉候亭火猶愛村原樹還當守故扃恨恨垂幽素

晚歸澧川

凌霧朝闐闐落日返清川簪組方暫解臨水一脩然昆弟忻來集童稚滿眼前適意在無事攜手望秋田南嶺橫爽氣高林繞遙阡野廬不鋤理翳翳起荒烟名秩斯逾分廉退愧不全已想平門路晨騎復言旋

授衣還田里

公門懸甲令澣濯遂其私晨起懷愴恨野田寒
露時氣收天地廣風淒草木衰山明始重疊川
淺更透迤烟火生閭里禾黍積東菑終然可樂
業時節一來斯

夕次盱眙縣

落帆逗

一作透

淮鎮停舫臨孤驛浩浩風起波冥

冥日沈夕人歸山郭暗鴈下蘆洲白獨夜憶秦
關聽鐘未眠客

春月觀省屬城始憇東西林精舍

因時省風俗布惠迨高年建隼出潯陽整駕遊
山川白雪歛晴壑群峰列遙天欽寄石門狀杳
靄香爐烟榛荒屢宵望逼側殆覆顛方臻釋氏
廬時物屢華妍曇遠昔經始於茲閔幽玄東西
竹林寺灌注寒澗泉人事既云泯歲月復已綿
殿宇餘丹紺磴閣峭欹懸佳士亦棲息善身絕
塵緣今我蒙朝寄教化敷里鄗道妙苟爲得出
處理無偏心當同所尚跡豈辭纏牽

自蒲塘驛迴駕經歷山水

館宿風雨滯始晴行蓋轉潯陽山水多草木俱
紛衍崎嶇緣碧澗蒼翠踐苔蘚高樹夾潺湲崩
石橫陰嘯野杏依寒折餘雲冒嵐淺性愜形豈
勞境殊路遺緬憶昔終南下佳遊亦屢展時禽
下流暮紛思何由遣

山行積雨歸塗始霽

攬轡窮登降陰雨遘二旬但見白雲合不睹巖
中春急澗豈易揭峻塗良難遵深林猿聲冷沮
如虎跡新始霽升陽景山水閱清晨雜花積如

霧百卉萋已陳鳴騶屢驤首歸路自忻忻

感歎

傷逝

此後嘆世哀傷十九首盡同
德精舍舊居傷懷時所作

染白一爲黑焚木盡成灰念我室中人逝去亦
不廻結髮二十載賓敬如始來提携屬時屯契
濶憂患災柔素亮爲表禮章夙所該仕公不及
私百事委令才一旦入閨門四壁滿塵埃斯人
旣已矣觸物但傷摧單居移時節泣涕撫嬰孩
知妄謂當遣臨感要難裁夢想忽如睹驚起復

徘徊此心良無已
遶屋生蒿萊

往富平傷懷

晨起凌嚴霜
慟哭臨素帷
駕言百里塗
惻愴復何爲
昨者仕公府
屬城常載馳
出門無所憂
返室亦熙熙
今者掩筠扉
但聞童稚悲
丈夫須出入
顧爾內無依
銜恨已酸骨
何況苦寒時
單車路蕭條
迴首長逶遲
飄風忽截野
嘹唳鴈起飛
昔時同往路
獨往今距知

出還

昔出喜還家
今還獨傷意
入室掩無光
銜哀寫虛位
悽悽動幽幔
寂寂驚寒吹
幼女復何知
時來庭下戲
咨嗟日復老
錯莫身如寄
家人勸我
食對按空垂淚

冬夜

杳杳日云夕
鬱結誰爲開
單衾自不煖
霜霰已皚皚
晚歲淪夙志
驚鴻感深哀
深哀當何爲
桃李忽凋摧
幃帳徒自設
冥寞豈復來
平生雖恩重
遷去託窮埃
抱此女曹恨
顧非高世才
振衣

中夜起河漢尚徘徊

送終

奄忽逾時節日月獲其良
蕭蕭車馬悲祖載發
中堂生平同此居一旦異存亡
斯須亦何益終復委山岡
行出國南門南望鬱蒼蒼
日入乃云造慟哭宿風霜
晨遷俯玄廬臨訣但遑遑
方當永潛翳仰視白日光
俯仰遽終畢封樹已荒涼
獨留不得還欲去結中腸
童稚知所失啼號捉我裳
卽事猶倉卒歲月始難忘

倉 江州集

除日

思懷耿如昨季月已云暮
忽驚年復新獨恨人成故
冰池始泮綠梅援一作揆還飄素淑景方轉
延朝朝自難度

援 江州集

對芳樹

迢迢芳園樹列映清池曲
對此傷人心還如故時綠
風條灑餘靄露葉承新旭
佳人不再攀下有往來躅

月夜

卷六

三

皓月流春城華露積芳草坐念綺窗空翻傷清
景好清景終若斯傷多人自老

歎楊花

空蒙不自定况值暄風度舊賞逐流年新愁忽
盈素纜縈下苑曲稍滿東城路人意有悲歡時
芳獨如故

過昭國里故第

不復見故人一來過故宅物變知景暄心傷覺
時寂池荒野筠合庭綠幽草積風散花意謝鳥

還

一作啼

山光夕宿昔方同賞詎知今念昔緘室

在東廂遺器不忍覲柔翰全分意芳巾尚染澤
殘工委筐篋餘素經刀尺收此還我家將還復
愁惕永絕攜手歡空存舊行迹冥冥獨無語杳
杳將何適唯思古今同時緩傷與戚

夏日

已謂心苦傷如何日方永無人不晝寢獨坐山
中靜悟澹將遣慮學空庶遺境積俗易爲侵愁
來復難整

端居感懷

沈沈積素抱婉婉屬之子永日獨無言忽驚振
衣起方如在幃室復悟永終已稚子傷恩絕盛
時若流水暄涼同寡趣朗晦俱無理寂性常喻
人滯情今在已空房欲云暮巢鷺亦來止夏木
遽成陰綠苔誰復履感至竟何方幽獨長如此

悲紈扇

非關秋節至詎是恩情改掩頓人已無委篋涼
空在何言永不發暗使銷光彩

閑齋對雨

幽獨自盈抱陰淡亦連朝空齋對高樹疎雨共
蕭條巢鷺翻泥濕蕙花依砌消端居念往事倏
忽苦驚颺

林園晚霽

雨歇見青山落日照園林山多夕一作夕烟鳥亂林
清風景翻提携唯子弟蕭散在琴言同遊不同
意耿耿獨傷魂寂寞鐘已盡如何還入門

秋夜二首

庭樹轉蕭蕭陰蟲還戚戚獨向高齋眠夜聞寒
雨滴微風時動牖殘燈尚留壁惆悵平生懷偏
來委今夕

霜露已淒漫星漢復昭回朔風中夜起驚鴻千
里來蕭條涼葉下寂寞清砧哀歲晏仰空宇心
事若寒灰

感夢

歲月轉蕪漫形影長寂寥髮鬢觀微夢感嘆起
中宵綿思靄流月驚魂颯迴風誰念茲夕永坐

令顏髮凋

同德精舍舊居傷懷

洛京十載別東林訪舊扉山河不可望存沒意
多違時遷迹尚在同去獨來歸還是窗中鴿日
暮遶庭飛

悲故交

白璧衆求瑕素絲易成汙萬里顛沛還高堂已
長暮積憤方盈抱纏哀忽逾度念子從此終黃
泉竟誰訴一爲時事感豈獨平生故唯見荒丘

原野草塗朝露

張彭州前與緱氏馮少府各惠寄一篇
多故未答張已云歿因追哀叙事兼

遠簡馮生

君昔掌文翰西垣復石渠朱衣乘白馬輝光照
里閭余時忝南省接讌愧空虛一別守茲郡蹉
跎歲再除常懷關河表永日簡牘餘郡中有方
塘涼閣對紅蕖金玉蒙遠貺篇詠見吹嗟未答
平生意已歿九原居秋風吹寢門長慟涕連如

覆視緘中字奄爲昔人書髮髮已云白交友日
凋踈馮生遠同恨憔悴在田廬

東林精舍見故殿中鄭侍御題詩追舊
書情涕泗橫集因寄呈閻灋州馮少

府

仲月景氣佳東林一登歷中有故人詩淒涼在
高壁精思長懸一作懷世音容已歸寂墨澤傳灑
餘磨滅親翰迹平生忽如夢百事皆成昔結騎
京華年揮文篋笥積朝廷重英彥時輩分珪璧

永謝柏梁陪獨闕金門籍方嬰存歿感豈暇林
泉適雨餘山景寒風散花光夕新知雖滿堂故
情誰能覲唯當同時友緘寄空悽悵

同李二過亡友鄭子故第

李與之故
非予所識

客車名未滅沒世恨應長斜月知何照幽林判
自芳故人驚逝水寒雀噪空墻牆不是平生舊遺
蹤要可傷

話舊

亭中對兄姊話蘭陵崇賢
懷真已來故事泫然而作

存亡三十載事過悉成空不惜霑衣淚併話一

宵中

至開化里壽春公故宅

寧知府中吏故宅一徘徊歷階存往敬瞻位泣
餘哀廢井沒荒草陰牖生綠苔門前車馬散非
復昔時來

睢陽感懷

豺虎犯天綱昇平無內備長驅陰山卒畧踐三
河地張侯本忠烈濟世有深智堅壁梁宋間遠
籌吳楚利窮年方絕輸鄰援皆携貳使者哭其

責嘉靖本改貴 江州其同

庭救兵終不至重圍雖可越藩翰諒難棄饑喉
待危巢懸命中路墜甘從鋒刃斃莫奪堅貞志
宿將降賊庭儒生獨全義空城唯白骨同往無
賤貴哀哉豈獨今千載當歔歔

廣德中洛陽作

生長太平日不知太平歡今還洛陽中感此方
苦酸飲藥本攻病毒腸翻自殘王師涉河洛玉
石俱不完時節屢遷斥山河長鬱盤蕭條孤煙
絕日入空城寒蹇劣之高步緝遺守微官西懷

咸陽道躑躅心不安

閶門懷古

獨鳥下高樹遙知吳苑園淒涼千古事日暮倚
閶門

感事

霜雪皎素絲何意墜墨池青蒼猶可濯黑色不
可移女工再三嘆委棄當此時歲寒雖無褐機
杼誰肯施

感鏡

卷六
鑄鏡廣陵市菱花匣中發宿昔嘗許人鏡成人
已沒如冰結圓器類壁無絲髮形影終不臨清
光殊不歇一感平生言松枝挂秋月

嘆白髮

還同一葉落對此孤鏡曉絲縷乍難分楊花復
相繞時役人易衰吾年白猶少

